



Broj: JN1-03-07-3-4-13/17

Datum: 09.06.2017. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH, br. 39/14), Odluke o davanju saglasnosti na Izvještaj o evaluaciji (Javna nabavka roba – IT oprema za realizaciju projekta “Implementacija zajedničkih servisa za e-Usluge“); broj: 05-14-3-89-9/17 od 30.05.2017. godine i Odluke o davanju saglasnosti na prijedlog Odluke o dodjeli ugovora za nabavku roba – IT oprema za realizaciju projekta “Implementacija zajedničkih servisa za e-Usluge“ broj: 05-14-3-89-10/17 od 30.05.2017. godine, Koordinator za reformu javne uprave u BiH donosi

ODLUKU

o dodjeli ugovora za nabavku roba – IT oprema za realizaciju projekta “Implementacija zajedničkih servisa za e-Usluge“

Član 1.

Ugovor za nabavku roba – IT oprema za realizaciju projekta “Implementacija zajedničkih servisa za e-Usluge“ dodjeljuje se ponuđaču - grupi ponuđača „Uma muller Group d.o.o., ul. Edhema Mulabdića br. 2, 71 000 Sarajevo i MMCC d.o.o., ul. Džavida Haverića br.7, 71 000 Sarajevo“, a po prihvaćenoj ponudi ponuđača br: JN1-03-07-3-4-5/17 od 08.05.2017.godine, po provedenom otvorenom postupku javne nabavke.

Član 2.

Ugovor za nabavku roba – IT oprema za realizaciju projekta “Implementacija zajedničkih servisa za e-Usluge“ zaključit će se po cijeni prihvaćenoj u ponudi ponuđača i to: 456.041,43 sa PDV-om.

Član 3.

Ova Odluka stupa na snagu na danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.



Objasnenje

Ured koordinatora za reformu javne uprave pokrenuo je otvoreni postupak javne nabavke roba – IT oprema za realizaciju projekta "Implementacija zajedničkih servisa za e-Usluge" i to Odlukom o pokretanju postupka javne nabavke roba – IT oprema za realizaciju projekta "Implementacija zajedničkih servisa za e-Usluge" broj: JN1-03-07-3-4-1/17 od 22.03.2017.godine. Obavještenje o javnoj nabavci objavljeno je na portalu javnih nabavki broj: 1438-1-1-9-3-3/17 od 28.03.2017. godine. Također informacija o postupku javne nabavke objavljena je i na web stranici Ureda koordinatora za reformu javne uprave, kao i na stranicama Centra za promociju civilnog društva, ccppei.ba i briefing.ba.

Ured koordinatora za reformu javne uprave do krajnjeg roka za prijem ponuda tj. do 08.05.2017. godine do 13:00 sati zaprimio je **dvije** ponude i to:

1. Ponuda ponuđača – grupe ponuđača „Uma muller Group d.o.o., ul. Edhema Mulabdića br. 2, 71 000 Sarajevo i MMCC d.o.o., ul. Džavida Haverića br.7, 71 000 Sarajevo“, ponuda zaprimljena dana 08.05.2017. godine u 10.25 sati.
2. Ponuda ponuđača „Ava Com Group d.o.o. ul. Bleiburških žrtava 17c, 88 000 Mostar“ ponuda zaprimljena dana 08.05.2017. godine u 12.39 sati.

Javno otvaranje ponuda je održano 08.05.2017. godine u 13:15 sati. U skladu sa Zakonom o javnim nabavkama, pratećim podzakonskim aktima i tenderskom dokumentacijom na javnom otvaranju ponuda prisutnim ponuđačima su saopštene slijedeće informacije:

- naziv ponuđača, redoslijedom pristizanja ponuda
- ukupna cijena navedena u ponudi
- popust naveden u ponudi, ako je posebno iskazan.

U nastavku je dat pregled ponuđača i dostavljena ukupna cijena ponude:

1. Ponuda ponuđača – grupe ponuđača „Uma muller Group d.o.o. Sarajevo i MMCC d.o.o. Sarajevo“, sa ukupnom cijenom ponude od **389.779,00 KM bez PDV-a**.
2. Ponuda ponuđača „Ava Com Group d.o.o. Mostar“ sa ukupnom cijenom ponude od **395.458,00 KM bez PDV-a**.

Zapisnik sa otvaranja ponuda je dostavljen svim ponuđačima koji su dostavili ponude u predmetnom postupku nabavke u zakonskom roku.

Nakon javnog otvaranja ponuda Komsija je pristupila analitičkom pregledu traženih i dostavljenih dokumentata na osnovu kojih se utvrđuje da li postoje razlozi za isključenje ponuđača, te analitičkom pregledu traženih i dostavljenih dokaza tehničke i profesionalne sposobnosti. Prilikom pregleda traženih i dostavljenih dokumenata Komisija je konstatovala slijedeće:

Ponuda ponuđača - grupe ponuđača „Uma muller Group d.o.o. Sarajevo i MMCC d.o.o. Sarajevo“ pod rednim brojem 1:

- Ispunjava sve uslove utvrđene u tenderskoj dokumentaciji

Ponuda ponuđača „Ava Com Group d.o.o. Mostar.“ pod rednim brojem 2:

- Ispunjava sve uslove utvrđene u tenderskoj dokumentaciji

Tenderskom dokumentacijom je traženo da ponuđači dostave безусловnu bankarsku garanciju u iznosu od 6.000,00 KM, te je Komisija konstatovala da su oba ponuđača dostavili traženu garanciju za ozbiljnost ponude.

Tačkom 7.6. tenderske dokumentacije je traženo da ponuđači dostave pisanu Izjavu iz člana 52. Zakona o javnim nabavkama a koja je data u formi Aneks 11. tenderske dokumentacije i da istu ovjere kod nadležnog organa za ovjeru dokumenata, te je Komisija konstatovala da su oba ponuđača dostavili traženu Izjavu na način koji je zahtjevan tenderskom dokumentacijom.

Također, tenderskom dokumentacijom je traženo da se ponuđači izjasne da li njihova ponuda uživa preferencijalni tretman domaćeg, te su se oba ponuđača izjasnila da njihove ponude ne uživaju preferencijalni tretman domaćeg.

Nakon cjelokupne analize pristiglih ponuda, Komisija konstatuje da ponude ponuđača – grupe ponuđača „Uma muller Group d.o.o. Sarajevo i MMCC d.o.o. Sarajevo.“ i ponuda ponuđača „Ava Com Group d.o.o. Mostar“ ispunjavaju sve uslove utvrđene u tenderskoj dokumentaciji i da se obje prihvatljiva.

Ponuđač– grupa ponuđača „Uma muller Group d.o.o. Sarajevo i MMCC d.o.o. Sarajevo.“ je u predmetnom postupku javne nabavke dostavio ponudu koja je prema kriteriju najniža cijena ocijenjena kao najjeftinija. Ukupna cijena ponude iznosi **389.779,00 KM bez PDV-a.**

Shodno naprijed navedenom komisija za javnu nabavku dala je preporuku ugovornom organu da se ugovor za nabavku roba – IT oprema za realizaciju projekta “Implementacija zajedničkih servisa za e-Usluge“ dodjeli ponuđaču - grupi ponuđača „Uma muller Group d.o.o. Sarajevo i MMCC d.o.o. Sarajevo“.


Sredstva za nabavku roba osigurana su u Fondu za reformu javne uprave. Ponuđena cijena nabavku roba – IT oprema za realizaciju projekta “Implementacija zajedničkih servisa za e-Usluge“ iznosi **389.779,00 KM bez PDV-a.** Ukupna ponuđena cijena sa PDV-om iznosi **456.041,43 KM.**

Pouka o pravnom lijeku:

Protiv ove odluke može se izjaviti žalba prvostepenom organu Uredu koordinatora za reformu javne uprave u roku od 10 dana od dana prijema ove odluke.

Koordinator za reformu javne uprave

Doc. Dr Dragan Cuzulan



Dostavljeno:

1. Ponuđačima koji su dostavili ponude
2. Kopija članovima i sekretaru Komisije za nabavku
3. a/a